





知
恩
道
齋



島夷誌畧序

九海環大瀛海而中國曰赤縣神州其外

州者復九有裨海



環之人民禽獸莫能相通如一區中者乃為一州此騶氏之言也人多疑其荒唐誕誇况當時外徼未通於中國將何以徵驗其言哉漢唐而後於諸島夷力所可到利所可到班班史傳固有其名矣然考於見聞多襲舊書未有身遊目識而能詳記其實者猶未盡徵之也西江汪君煥章^當冠年嘗兩附舶東西洋所遇輒采錄其山川風土物產之詭異居室^飲飯食衣服之好尚與夫貿易費用之所宜非親見不書則庶乎其可徵也與^予言海中者自多鉅魚若蛟龍鯨鯢之屬群出遊鼓濤距風莫可名

數舟人燔鷄毛以觸之則遠遊而沒一島嶼間或廣袤數千里
 島人浩穰其君長所居多明珠麗玉犀角象牙木為飾橋梁
 或甃以金銀若珊瑚瑯玕玳瑁人不以為奇也所言猶有可觀
 則騶衍皆不誕焉知是誌之外煥章之所未_也不有瑰恠廣大
 又逾此為國者哉大抵一元之氣充溢乎天地其所能融結為
 人為物惟中國_也明則得其正氣環海于外氣偏于物而寒燠
 殊候材質異賦固其理也今乃以耳目弗造而盡疑之可乎莊
 周有言六合之外聖人存而不論然博古君子求之異書亦所
 不廢也泉脩郡乘既以是誌列入之煥章將歸復刊諸西江以
 廣其傳故予序之至正十年龍集庚寅二月朔日翰林脩撰河

另行

東張翥叙中國之外四_州維海之外夷國以萬計唯北海以風
 惡不可入東西南數千萬里皆得梯航以達其道路象胥以譯
 其語言惟有 聖人在乎位則相率而效朝貢通互市維天際
 窮髮不毛之地無不可_通之理焉世祖皇帝既平宋氏始命正
 奉大夫工部尚書海外諸番宣慰使蒲師文與其副孫勝夫尤
 永賢等通道外國撫宣諸夷獨瓜哇負固不服遂命平章高興
 史弼等帥舟師以討定之_自時厥後唐人之商販者外番率待
 以命使臣之禮故其國俗土產人物奇怪之事中土皆得而知
 奇珍異寶流布中外為不少矣然欲考求其故實則熟事者多
 秘其說鑿空者又不得其詳唯豫章汪君煥章少負奇氣為司

馬子長之遊足跡幾半天下矣頌以海外之風土國史未盡其
蘊因附舶以浮于海者數年然後歸其目所及皆為書以記之
校之五年舊誌大有逕庭矣以君傳者其言必可信故附錄清
源續志之後不惟使後之圖王會者有足徵亦以見國家之懷
柔百蠻蓋此道也

至正己丑冬十月又二望日三山吳鑿序

古有九丘之書誌九州之土地所有風氣之宜與三墳五典並
傳周列國皆有史晉有乘輿楚有檮杌魯之春秋是也孔子定
書以黜三墳衍述職方以代九丘筆削春秋以寓一王法而乘
輿檮杌遂廢不傳及秦罷侯置守廢列國西史漢司馬遷作史記

關牧守年月不表郡國記載浸無可考學者病之厥後江表華
陽有誌汝穎之名士襄陽之耆舊有傳隋大業首命學士十八
人著十郡誌凡以補史氏之闕遺也閩文學始唐至宋大盛故
故家文献彬彬可考時號海濱洙泗蓋不誣矣

國朝混一區域元至丙子郡既內附繼遭兵寇郡域之外莽為
戰區雖值承平未能盡復舊觀清源前誌放夫後誌止於淳佑
庚戌建令百有餘年前政牧守多文吏武夫急薄書期會而不
遑於典章文物比年修宋遼金三史

詔郡國各上所錄而泉獨不能具無以稱德意有識愧焉至正
九年朝以閩海憲使高昌傑侯來守泉臨政之暇考求圖誌領

是邦古今政治沿革風土習尚變遷不同太平百年譜牒猶有遺逸矣今不紀後將無徵遂分命儒生搜訪舊聞隨邑編緝成書鑒時寓泉辱命與學士君子裁定刪削為清源序誌二十卷以補清源故事然故老漸愚新學漸于聞見前朝遺事蓋十具一二以傳言

云禾十一年暮春修禊日三山吳鑿序
島夷誌畧

澎湖

島分三十有六巨細相間披隴相望乃有七澳居其間各得其名自泉州順風二晝夜可至有草無木土瘠不宜禾稻泉人結

茅為屋居之氣候常暖風俗朴野人多眉壽男女穿長布衫繫以土布煮海為鹽釀秫為酒採魚蝦螺蛤以佐食糞牛糞以糞魚膏為油地產胡麻綠豆山羊之孳生數萬為群家以烙毛刻角為記晝夜不收各遂其生育工商興販以樂其利地隸泉州晉江縣至元年間立巡檢司以週歲額辦鹽課中統錢鈔一十錠二十五兩別無科差

琉球

地勢盤穹林木合抱山曰翠麓曰重曼曰斧頭曰大峙其峙山極高峻自澎湖望之甚近余登此山則觀海潮之消長夜半則望陽谷之出紅光燭天山頂為之俱明土潤田沃宜稼穡氣候

漸暖俗與彭湖差異水無舟楫以筏濟之男子婦人拳髮以花布為衫煮海水為鹽釀蔗漿為酒知番主酋長之尊有父子骨肉之義他國之人倘有所犯則生剖其肉以啖之取其頭懸木竿地產沙金黃豈黍子琉黃蠟鹿豹麂皮貿易之貨用土珠瑪瑙金珠粗碗處州磁器之屬海外諸國蓋由此始

三島

居大奇山之東嶼分點峙有疊山層巒民傍隸居之田瘠穀少俗質朴氣候差暖男女間有白者男頂拳婦人椎髻俱披單衣男子常附舶至泉州經紀罄其資囊以文其身既歸其國則國人以尊長之禮待之延之上座雖父老亦不得與爭焉習俗以其

至唐故貴之也民煮海為鹽釀蔗漿為酒有酋長地產黃蠟木綿花布貿易之貨用銅珠青白花碗小花印有鐵塊之屬次曰答陪曰海瞻曰巴弄吉曰蒲里咤曰東流里無甚異產故附此耳

麻逸

山勢平寬夾溪聚落田膏腴氣候稍暖俗尚節義男女椎髻穿青布衫凡婦壘夫則削其髮絕食七日與夫同寢多瀕于死七日之外不死則親戚勸以飲食或可全生則終身不改其節甚至喪夫而焚尸則赴火而死酋豪之喪則殺奴婢二三千人以狗壘民煮海為鹽釀糖水為酒地產木棉黃蠟玳瑁檳榔花布

貿易之貨用錫鐵塊丘采紅布紅絹牙紋之屬
蠻賈議價領去博易土貨然後准價舶商信守如終如始不與約也

無枝拔

在闕麻羅華之東南石山對峙民墾關山為田鮮食多種薯氣
候常熱獨春有微寒俗直男女編髮纏頭繫細紅布極以婚姻
為重往往指腹成親通國守義如有失信者罰金二兩重以納
其主民煮海為鹽釀椰漿蔗粉為酒有酋長產花斗錫鉛綠毛
狗貿易之貨用西洋布青白處州瓷器瓦壘鉄弄之屬

龍涎嶼

嶼方而平延袤荒野上如雲塢之盤絕無田產之利每值天清

氣和風作浪湧群龍遊戲出没海濱時吐涎沫於其嶼之上故
以得名涎之色或黑于烏香或散于浮石聞之微有腥氣然用
之合諸香則味尤清遠雖茄蓋木梅花檀檀麝杓子花沉速木
薔薇木眾香必待此以發之此地前代無人居之間有他番之
人用完木鑿舟駕使以拾之轉鬻于他國貨用金銀之屬博之

交趾

古交州之地今為安南大越國山環而險溪道互布外有三十
六庄地廣人稠氣候常熱田多沃饒俗尚禮義有中國之風男
女面白而齒黑戴冠穿唐衣皂褶絲襪方履凡民間俊秀子弟
八歲入小學十五入大學其誦詩讀書談性理為文章皆與中

國同惟言語差異耳古今歲貢中國已載諸史民煮海為鹽釀
秫為酒酋長以同 為妻地產沙金白銀銅錫鉛象牙翠毛
肉桂柳柳貿易之貨用諸色綾羅匹帛青布牙梳紙扎青銅鈇
之類流通使用銅錢民間以六十七錢折中統銀壹兩官用止
七十為率舶人不販其地惟偷販之舟止于斷山上下不得至
其官場恐中國人窺見其國之虛寔也

占城

地據海衝與新舊州為隣氣候下熟田中上等宜種穀俗喜侵
掠歲以上下元日縱諸人採生人膽以鬻官家官以銀售之以
膽調酒與家人同飲云通身是膽使人畏之亦不生疢癘也城

之下水多洄旋舶往復數日止舟載婦人登舶與舶人為偶及
去則垂涕而別明年舶人至則偶合如故或有遭難流落於其
地者則婦人推舊情以飲食衣服供其身歸則又重贖以送之
盖有此情義如此仍禁服半佞唐人曰三四浴以腦射合油塗
體以白字寫黑皮為文書煮海為鹽釀小米為酒地產紅紫茄
藍木打布貨用青磁花碗金銀首飾酒卮布燒珠之屬

民多朗

臨海要津溪通海水不鹹田沃饒米穀廣氣候熱俗尚儉男女
椎髻穿短皂衫下繫青布短裙民鑿井而飲煮海為鹽釀小米
為酒有酋長禁盜盜則戮及一家地產烏黎木射檀木綿花牛

麂皮貨用漆器銅器閣婆布紅絹青布斗錫酒之屬

賓童龍

賓童龍隸占城土骨與占城相連有雙溪以間之佛書所稱王舍城是也或云目連屋基猶有田土人物風俗氣候與占城畧同人死則持孝服設佛擇僻地以葬之國主騎象或馬打紅傘從者百餘人執盾贊唱曰亞或僕番語也其尸頭蠻女子害人甚於占城故民多廟事而血祭之蠻亦父母胎生與女子不異特眼中無瞳人遇夜則飛頭食人糞尖頭飛去若人以紙或布掩其項則頭歸不接而死凡人居其地大便後必用水淨洗否則蠻食其糞即逐臭與人同睡倘有所犯則腸肚皆為所食精神

盡為所奪而死矣地產茄藍木象牙貨用銀印花布次曰胡麻沙曼頭羅沙摺寶毗齊新故越州諸番無所產船亦不至

真臘

州南之門實為都會有城週圍七十餘里石河週圍廣二十丈戰象幾四十餘萬殿宇凡三十餘里所極其壯麗飾以金璧鋪銀為磚置七寶椅以待其主貴人貴戚所生之皆金機机歲一會則以玉猿金孔雀六牙白象三角銀蹄牛羅猷于前列金獅子十隻於銅臺上列十二銀塔鎮以銅象人丸飲食必以金茶盤盞豆金碗貯物用之外名百塔州作為金浮屠百座一座為狗所觸則造塔頂不成次日馬司錄池復建五浮屠黃金為尖次

曰棄香佛舍造裹足金石橋四十餘丈諺云富貴真臘者也氣
候常暖俗尚華侈田產富饒民煮海為鹽釀小米為酒男女推
髻生女九歲請僧作梵法以指桃童身取紅點女額及母額名
為利市云如此則他日嫁人宜其室家也滿十歲即嫁若其妻
與客淫其夫甚喜詫於人我妻巧慧得人愛之也以錦圍身眉
額施珠首出入用金車羽儀体披瓔珞右手持劍左手持麈尾
法則剝刑刺配之刑國人犯盜則斷手足烙胸背點額殺唐人
則死唐人殺番人至死亦重罰金如無金以賣身取贖地產黃
蠟犀角孔雀沉速香蕪木大楓子翠羽冠於各番貨用銀黃紅
燒珠龍段建寧錦絲布之屬

丹馬令

地與沙里佛來安為隣國山平亘田多食粟有餘新收者復留
以待陳俗節儉氣候溫和男女推髻衣白衣衫繫青布縵定婚
用緞錦白錫若干塊民煮海為鹽釀小米為酒有酋長產上等
白錫朱腦龜筒鶴頂降真香及黃熟香頭貿易之貨用甘理布
紅布青白花碗鼓之屬

日麗

介兩山之間立一閘之市田雖平曠春乾而夏雨種植常違其
時故歲少稔仰食于他國氣候冬暖風俗尚節義男女推髻白
縵纏頭繫小黃布男喪女不嫁煮海為鹽釀漿為酒有酋長土

產龜筒鶴頂降真錫貿易之貨用青磁器花布粗碗鉄塊小印花之屬

麻里嚕

小港迤邐入于其地山陰而水多鹵服石林少田高而瘠民多種薯芋地氣熱俗尚義若番官沒其婦再不嫁於凡夫必有他國番官之子孫閭閻相稱者方可擇配否則削髮看經以終其身男女拳髮穿青布短衫繫紅布縵民莫海為鹽釀蔗漿為酒編竹片為床燃生蠟為燈地產玳瑁黃蠟降香行布木綿花貿易之貨用足錠青布磁器盤處州磁水壩大甕鉄鼎之屬

遐來勿

古汨之下山盤數百里厥田中下俗尚妖怪氣候春夏秋熱冬微冷則人無病反此則瘴生人畜死男女挽髻纏紅布繫青綿布指凡人死則研生腦調水灌之以養其屍欲葬而不腐民煮海為鹽釀椰漿為酒有酋長地產蘓木玳瑁木棉花檳榔貿易之貨用占城海南布鉄線銅鼎紅絹五色布木梳篦子青器粗碗之屬

彭坑

石崖週匝崎嶇遠如平塞田沃穀稍登氣候半熱風俗與家丁盧小異男女椎髻穿長布衫繫單布稍富貴女頂帶金圈數回常人以五色娟珠為圈以束之凡講婚姻五造換白銀五錢重

為准民煮海為鹽釀椰漿為酒有酋長地產黃香頭沉速打
白香腦子花錫粗降真貿易之貨用諸色絹閣婆布銅鉄器漆
磁器鼓板之屬

吉蘭丹

地勢博大山瘠而田少夏熱而倍收氣候平熱風俗尚禮男女
束髮繫短衫布皂縵每遇四時節序生辰婚嫁之類衣紅布長
衫為度民煮海為鹽織木綿為業有酋長地產上等沉速粗降
真香黃蠟龜筒鶴頂檳榔外有小港索遷極深水鹹魚美出花
錫貨用塘頭市布占城布青盤花碗紅綠焟珠琴阮鼓板之屬

丁家盧

三角嶼對境港已通其津要山高曠田中下下民食足春多雨
氣候微熱風俗尚恠男女惟髻穿綠頰布短衫繫遮里絹刺神
木為神殺人血和酒祭之每水旱疫癘禱之則立應及婚姻病
喪則卜其吉凶亦驗今酋長主事貪禁勤儉守土地產降真腦
子黃蠟玳瑁貨用青白花磁器占城布小紅絹斗錫酒之屬

戎

山遶溪環部落坦夷田畝連成片土膏腴氣候不正春夏苦雨
俗陋男女方頭兒生之後以木板四方夾之二周後去其板四
季祝髮以布縵遶身以椰水浸秣米半月方成酒味極苦辣而
味長二月海榴結寔復釀榴寔酒味甘酸且解渴地產白豆蔻

象牙翠毛黃蠟木棉紗貿易之貨用銅漆器青白花碗磁壺瓶
花銀紫燒珠玉崙布之屬

羅衛

南真路之南實加羅山即故名也山瘠田美等為中上春末則
禾登民有餘蓄以移他國氣候不風俗勤儉男女文身為禮
以紫綬纏頭繫溜布以竹筒實生蠟為燭桓木綿為業煮海為
鹽以葛根浸水釀酒味甘軟竟日飲之不酸有酋長地產粗降
真玳瑁黃蠟綿花雖有珊瑚樹無能割貿易之貨用基子手中狗
跡絹五色燒珠花銀青白碗鉄條之屬

羅解

山形如城郭白石峭厲其田平行而多稼暹人仰之氣候常暖
如春風俗勁悍男女椎髻白布纏頭穿長布衫每有議刑法錢
穀出入之事並決之於婦人其志量常過於男子煮海為鹽釀
秫米為酒有長酋法以貳子代錢流通行使每一萬準中統鈔
二十四兩甚便民此地產羅解香味極清遠亞於沉香次蘓木
犀角象牙翠羽黃蠟貨用青器花印布金錫海南栴榔口貳子
次日弥勒佛曰忽南圭曰善司坂曰蘇刺司坪曰吉頓力地無
所產用附于此

東冲古刺

巖巖豐林下臨淡港外堞為之限界田美穀秀氣候驟熱雨下

則微冷風俗輕剝男女斷髮紅手帕纏頭穿黃綿布短衫繫越里布凡有人喪亡者不焚化聚其骨撒于海中謂之種植法使子孫復有生意持孝之人齋戒數月而後已民不善煮海為鹽釀蔗漿為酒有酋長地產沙金黃蠟粗降真香龜筒沉香貿易之貨用花銀益青白花碗大小水埕青段銅鼎之屬

蘇洛兩

洛山如閩并溪如帶宜有聚落田瘠谷^穀少氣候少暖風俗勇悍男女椎髻穿青布短衫繫木棉白縵凡生育後惡露不下汲井水澆頭即下有害熱症者亦皆用水沃數四則愈民煮海為鹽青長地產^{上等}降真片腦鶴頂沉速玳瑁貿易之貨用青白花器海

巫崙布銀鈇水埕小罐銅鼎之屬

針路

自馬軍山水路由麻來墳至此地則山多鹵股田下三等少耕植民種薯及葫蘆西瓜蕪採海螺蚌蛤蝦食之內坪下小溪有魚鱗極美民間臨溪每一舉網輒食數日而有餘氣候差熱俗惡男女以紅綿布纏頭皂縵繫身民煮海為鹽織竹絲布為業有酋長地產芎蕉椰子通暹准錢使用貿易之貨用銅條鉄鼎銅珠五色硝珠大小埕花布鼓青布之屬

八都馬

開市廣陽山茂田少民力齊常足食氣候暖俗尚朴男女椎髻

纏青布縵繫甘埋布酋長守土安民樂其生親沒必沐浴齋戒
號泣半月而葬之日奉素香佛惟謹有犯奸盜者梟之以示戒
有遵法者賞之以示勸俗稍近理地產象牙重者百餘觔
輕者七八十觔胡椒亞於闍婆貿易之貨用南北絲花銀赤銅
鉄鬲綠布草金緞丹山錦山紅絹白礬之屬

淡邈

小港去海口數里山如鉄筆迤邐如長蛇民傍緣而居田地平
宜谷粟食有餘氣候暖風俗儉男女椎髻穿白布短衫繫竹布
指民多識山中草藥有疝癘之疾服之有效如神煮海為鹽事
網罟為業地產胡椒亞於八都馬貨用黃硝珠麒麟粒西洋絲

布粗碗青器銅鬲之屬

尖山

自有宇宙茲山盤據于小東洋卓然如文筆挿霄漢雖懸隔數
百里望之儼然田地少多種薯芋以代飯氣候頓熱風俗織耆
男女斷髮以紅絹纏頭以佛南圭布纏身煮海為鹽釀蔗漿水
米為酒地產木綿花竹布黃蠟粗降真沙地所生故不結實買
易之貨用牙錠銅鉄鬲青碗大小埕甕青皮單錦鼓樂之屬

八節那間

甘邑臨海嶺方木瘦田地瘠宜種粟麥俗尚和與湖北道澧州
風俗同男女椎髻披白布縵為繫以土布一歲之間三月內民

採生以祭鬼酬愿信不生灾害民煮海為鹽有酋長地產單皮
花印布不退色木綿花栴榔貿易之貨用青器紫鑛土粉青綠
布埕甕鈇器之屬

三佛齋

自龍牙門去五晝夜至其國人多姓蒲習水陸戰官兵服藥刀
兵不能傷以此雄諸國其地人烟稠密用土沃美氣候暖春夏
常雨俗淳男女堆髻穿青棉布短衫繫束冲布喜潔淨故于水
上架屋採蚌蛤為鮓煮海為鹽釀秫為酒有酋長地產梅花片
腦中等降真香栴榔木棉布細花木貿易之貨用色絹紅硝珠
絲布花布銅鈇鍋之屬舊傳其國地忽穴出牛數萬人取食之

後用竹木塞之乃絕

嘯噴

繇監毗吉陀以東其山蔽延袤數千里結茅而居田沃宜種粟
氣候常暖俗陋男女堆髻以藤皮煮軟織粗布為短衫以生布
為指地差惟蘓木盈山地物不見每歲與前緬國相通貿易通
船人貨用五色硝珠磁銅鈇鍋牙錠瓦甕粗碗之屬

淳泥

龍山礪碑於其石基宇雄敞源田獲利夏月稍冷冬乃極熱尚
俊男女椎髻以五采繫腰花錦為衫崇奉佛像唯嚴尤敬愛屠
人醉也則扶之以歸歇處民煮海為鹽釀秫為酒有酋長仍選

其國能算者一人掌文簿計其出納收稅無纖毫之差焉地產降真黃臘玳瑁梅花片腦其樹如杉檜劈裂而取之必齋裕而後往貨用白銀赤金色段牙箱鉄器之屬

明家羅

故臨國之西山而三島中島素香佛所居珍寶而前人莫能取一島虎豹蛇虺縱橫人莫敢入一島土中紅石握而取之其色紅活名鴉鵲也舶人興販往之金銀與之貿易土瘠宜種粟氣候大熱俗朴男女衣青單被民煮海為塩柱主長推產紅石之外別物不見

暹

自新門臺入港外山崎嶇內領深遠土瘠不宜耕種穀米歲仰羅斛氣候不正尚侵掠每他國轉輒駕百十艘以沙湖蒲載舍而往務在必取近年以七十餘艘來侵單馬錫攻打城池一月不下本處閉關而守不敢與爭過瓜哇使臣經過暹人聞知乃遁遂掠昔里而歸至正己丑夏五月降于羅斛凡人死則灌水銀以養其身男女衣著與羅斛同仍以貳子權錢使用地產蘇木花錫大風子象牙翠羽貿易之貨用硝珠水銀青布銅鉄之屬

瓜哇

瓜哇即古閣婆國門遮把逸山係官場所居宮室壯麗地廣人

稠寔夾東洋諸番舊傳國王係雷震石中而出今女子為首以長之其田膏沃地平行穀米富饒倍于他國民不為盜道不拾遺諺云太平閩婆者此也俗朴男子推髻裹打布惟酋長留髮太德年間赤黑迷失平章史弼高興曾往其地令臣屬納稅貢立衙門振綱紀設鋪兵以遞文書守常刑重鹽法使銅錢俗以銀錫鑄銅雜鑄如螺甲大名為銀錢以權銅錢使用地產青鹽係晒成胡椒每歲萬斤極細堅耐色印有半鸚鵡之類藥物皆自他國來也貨用硝珠金銀青段色絹青白花碗鉄器之屬次曰巫崙曰希苓曰三打板曰吉舟曰孫刺等地無異產故附此耳

重迦羅

杜瓶之東曰重迦羅嶼瓜哇界相接間有高山奇秀不產地木滿山皆藍敷樹及楠樹一石洞前後三門可容一二萬田土至於閩婆氣候熱俗淳男女撮髻衣長衫地產綿羊鸚鵡細花木綿單椰子木綿花紗貿易之貨用花銀花宣絹諸色布煮海為鹽釀秫為酒無酋長年尊者統攝次曰諸番相去約數日水程曰孫陀曰琵琶曰丹重曰負嶠曰彭里不事耕種專尚寇掠與吉陀亞崎諸國相通交易船人所不及也

都督岸

自海腰平原津通淡港土薄地肥宜種谷廣栽薯芋氣候夏涼

多淫雨春與秋冬皆熱俗尚節序男女椎髻穿綠布短衫繫白布梢民間每以正月三日長幼焚香拜天以酒牲祭山神之後長幼皆羅拜於庭名為慶節序不喜煮釀蜜水為酒有酋長地片腦粗速香玳瑁龜筒貿易之貨用海南占城布紅絹綠藍鈇銅鼎色緞之屬

文誕

渤山高環溪水若淡田地瘠民半食沙糊椰子氣候若熱俗淫男女椎髻路體繫青皮布梢日間畏熱不事布種月夕耕鋤漁獵採薪取水山無蛇虎之患家無盜賊之虞煮海為鹽釀椰漿為酒婦織水綿為業有酋長地產肉荳蔻黑小廝荳蔻花小丁

皮貨用水綾絲布花印布烏靴鼓瑟青磁器之屬

蘇祿

其地以石倚山為堡障山畝田瘠宜種粟麥民食沙湖魚蝦螺蛤氣候半熱俗鄙薄男女斷髮纏皂縵繫小印花煮海為鹽釀蔗漿為酒織竹布為業有酋長地產中等降真條黃蠟玳瑁玳珠較之沙里八丹第三港等處所產此蘇祿之珠色青白而圓其價甚 中國人首飾用之其色不退號為絕品有徑寸者其出產之地大者已直七百八餘里 錠中者二三百錠小者一二十錠其餘小珠一萬上兩重者或一千至三四百兩重者出於西洋之地三港此地無之貿易之貨赤金花銀八都刺布青

珠處器鉄條之屬

龍牙犀角

峯嶺內平而外聳民環居之如蟻附坡厥田下等氣候半熱俗厚男女椎髻齒白繫麻逸布俗以結親為重親戚之長者一日不見面必携酒持物以問勞之為長夜之飲不見其醉民煮海為塩釀秫為酒有酋長地產沉香冠于諸番次鶴頂降真蜜糖黃熟香頭貿易之貨用土印有八都刺布青白花之屬

蘓門傍

山如屏而石峭中有窩藏平坦地瘠田少多種麥而食氣候常暖俗鄙薄藉他番以足其食賴商賈以資其國男女披長髮

衫為衣繫斯吉丹布煮海為塩有酋長地產翠羽蘇木黃蠟栝榔貿易之貨用白糖巫崙布細絹衣花色宣絹塗油大小水埕之屬塗油出於東埕塗熬晒而成

舊港

自淡港入彭家門民以竹代舟道多磚塔田利倍於他壤云一季種谷三年生金言其谷變而為金也後西洋人聞其田美故造舟來取田內之土骨以歸彼田為之脉而種谷舊港之田金不復生亦恠事也氣候稍熱男女椎髻以白布為梢煮海為塩釀漿為酒有酋長地產黃熟香頭金顏香木棉花冠於諸番黃蠟粗降真絕高鶴頂中等沉速貿易之貨用門邦丸珠四色燒

珠麒麟粒處堯銅鼎五色布大小水埕甕之任

龍牙菩提

環宇皆山石排類門無田耕種但栽薯芋燕以代糧當收之當
番家必推貯數屋如中原人積糧以供歲用食餘則存下年之
不熟也園種菓採蛤蚌魚蝦而食倍于薯芋氣候倍熱俗朴男
女椎髻披絲木綿花單被黃海為藍浸 根汁以釀酒地產粗
香檳椰子貿易之貨用紅綠燒珠牙箱錠鉄器青白土印布
之屬

毗舍耶

僻居海東之一隅山平曠田地少不多種植氣候倍熱俗尚虜

掠男女撮髻以墨汁刺身至踈頸門朗纏紅絹繫黃布侍以國
無酋長地無出產時常裹乾糧棹小舟遇外番伏荒山窮谷無
人之境遇捕魚採薪者輒生擒以歸鬻於他國每一人易金二
兩重蓋被國之人通相倣習以為業故東洋聞毗舍野之名
皆畏而逃者

班卒

地勢連龍牙門後山若纏若斷起四峯而盤結故民環居焉田
瘠谷少登氣候不齊夏則多雨而微寒俗質披短髮假錦纏頭
紅油布繫身煮海為鹽釀米為酒名明家西酋長地產上等鶴
頂中等降真木棉花貿易之貨用絲布鉄條土印布赤金甕器

鉄鼎之屬

蒲奔

地控海濱山蹲白石不宜耕種歲仰食於他國氣候乍熱而微冷風俗果決男女青魚男垂髻女拳髻白纓民煮海為鹽採蠟黃為鮓以木板造舟藤篾固之以綿花塞縫底甚柔軟隨波上下蕩以木而為漿未嘗見有損壞有酋長白藤浮留藤栢椰買易之貨用青甕器粗碗海南布鉄線大小埕甕之屬

假里馬打

山列翠屏闌臨溪田下穀不收氣候熱俗碗薄男女髡頭以竹布為桶樣穿之仍繫以稍罔知廉耻採蕉實為食煮海為鹽

以適他國易米每益一斤易米一斗前代地產番羊高大者可騎日行五六十里及紫玳瑁易之貨用硫磺珊瑚珠闍婆布青色燒珠小花印布之屬

文老古

益溪通津地勢卑窄山林茂田瘠稻瘳氣候熱俗薄男女椎髻繫花竹布為梢以象齒樹之內室為供養之具民煮海為鹽取沙湖為食地產丁香其樹滿山然多不常生三年中間或二年熟有酋長地每歲望唐舶販其地往以五梅雞雖出必唐船一隻來二雞雖出必有二隻以此占之如響斯應貿易之貨用銀鉄水綾絲布巫崙八節那澗布土印布象齒燒珠青甕器

埋器之屬

古里地悶

居加羅之東北山無異木唯檀樹為最盛以銀鉄碗西洋絲布
 色絹之屬為之貿易也地謂之馬頭凡十有二所有尊長田宜
 穀粟氣候不齊朝熱而夜冷風俗淫濫男女斷髮穿木綿短衫
 繫占城布市所酒肉價廉婦不知耻部領目縱食而貪酒色之
 餘卧不覆被至染疾者多死倘在番苟免回舟之期櫛風沐雨
 其疾發而為狂熱謂之陰陽交：則不死昔泉之吳宅發船稍
 眾百有餘人到彼貿易既畢死者十八九間存一二爾多羸弱
 之舟駕舟隨風回舶或時風活浪悉黃昏之際則狂 蕩唱歌

搗槽在岸則添炬燁耀使人魂遊而膽寒吁良可畏哉然則其
 地互市雖有萬倍之利何益昔柳子厚謂海賈以生易利生此
 有甚者乎

龍牙門

門以單馬錫番兩山相交若龍牙門中有水道以間之田瘠稻
 少天氣候熱四五月多淫雨俗好劫掠昔酋長握地而得玉冠
 歲之始以見月為正初酋長戴冠披服受賀今亦遞相傳授男
 女兼中國人居之多推髻穿短布衫繫青布稍產粗降真斗錫
 貿易之貨赤金青段花布處磁器鉄器之類蓋以山無美林貢
 無異貨以通泉州之貿易皆剽竊之物也舶往西洋本番置之

不問回船之際至吉利門船人須駕箭稠張布幕利器械以防之賊舟二三百隻必默來迎戰數日若僥倖順風或不遇之否則人為所戮貨為所有則人死係乎頃刻之間也

崑崙

古者崑崙山又名軍屯山二高而方根盤幾百里截然乎瀛海之中與占城西竺鼎峙而相望下有崑崙洋因是名也船販西洋者必掠之順風七晝夜可渡諺云上有七州下有崑崙計迷舵失舟就存雖則地無異產人無居室山之高有男人數十人恠形而異狀穴居而野處既無衣褐日食山菓魚蝦夜則宿於樹巢仿標技野鹿之世何以知其然也百船阻惡風灣泊其山

之下男女羣聚而翫撫掌而咲云而去自適天趣吾故曰其無懷大庭氏之民欣其葛天氏之民欣

靈山

嶺峻而方石泉下咽民居星散以結網為活田野闢宜耕種一歲凡二收穀船至其所則船入齋沐三日其什事崇佛諷經燃水燈放彩船以禳本船之災始度其下風候俗氣候男女與占城同地產籐枝輕小黑文相對者為冠每條互易一花斗錫簾大而紋疎者一花斗錫互易三條船之往復此地必汲水採薪以濟日用次得栴榔老葉餘無異物貿易之貨用粗碗燒珠鉄條之屬

東西竺

石上嵯峩形勢對峙地勢雖有東西之殊不啻蓬萊方丈之爭
奇也田瘠不宜耕種歲仰淡淨米穀足食氣候不齊四五月淫
雨而尚寒俗朴畧男女斷髮繫占城布煮海為鹽釀椰漿為酒
有酋長地產檳榔老葉椰子簞木綿花番人取其椰心之嫩者
或素或染織而為簞 售唐人其簞冬煖而夏涼亦可貴也買
易之貨用花錫胡椒鉄器薔薇露水之屬

急水灣

灣居石綠嶼之下其流奔鶩船之時月遲延兼以潮汐南北人
莫能測船洄漩于其中則一月莫能出昔有度元之舶流寓在

其中二十餘日失風針迷舵折船遂閣淺人船貨物俱各漂蕩
偶遺三人於礁上者腸腹五日又且斷船往來輒入礁上螺蚌
食之當此之時命懸于天忽一日大木二根浮海而至礁傍人
抱其木隨風飄至頂門峇刺之國幸而免溺焉

花面

其山逶迤其地阻如田極肥美足食有餘男女以墨汁刺于其
面故謂之花面國名因之氣候倍熱俗淳有酋長地產牛羊鷄
鴨檳榔甘蔗差葉木棉貨用鉄條青布粗碗青處器之屬舶經
其地不過貿易以供日用而已餘無可與販也

淡洋

港口通官場百有餘里洋其外海也內有大溪之水源二千餘里奔流衝合於海面一流之水清淡船人往來經過之水則必由此汲之故名曰淡洋過此以往未見其海洋之水不鹹也嶺竊有田常熟氣候熱風俗淳男女椎髻繫溜布有酋長地產降真香味與亞芦同來顯雖小炊飯則香貿易之貨用赤金鉄器粗碗之屬

須文答刺

峻嶺掩抱地勢臨海田饒穀少男女繫布縵俗薄其酋長人物修長一日之間必三變色或青或黑或赤每歲必殺十餘人取自然血裕之則四時不生疾病故民皆畏服焉男女椎髻繫紅

布土產腦子粗降真香味短鶴頂斗錫種茄樹高丈有餘經三四年不萃生茄子以梯摘之如西瓜大重十餘斤貿易之貨用西洋絲布樟腦薔薇水黃油傘青布五色緞之屬

僧加刺

疊山環翠洋海橫絲其山之腰有佛殿巋然則釋迦佛肉身所在民從而像之迄今以香燭事之若存海濱有石如蓮臺上有佛足跡長二尺有四寸濶七寸深五寸許蹟中海水入其內不鹹而味淡甘如醴病者飲之則愈老者飲之可以延年土人長七尺餘面紫身黑眼巨而長手足溫潤而壯健聿然佛家種子壽多至百有餘歲者佛初憐彼方之人貧而為盜故以善化其

民復以甘露水洒其地產紅石土人掘之以左手取者為貨右手尋者設佛後得以濟貿易之貨皆令溫飽而善良佛案前有一鉢孟非玉非銅非鉄色紫而潤敲之有玻璃聲故國初凡三遣使取其至是則舉浮屠之教以語人故未能免於儒者之儀然觀其土人之梵相風俗之敦厚詎可弗信也夫

勾欄山

嶺高而樹林茂密田瘠穀少氣候熱俗射獵為事

國初軍士征閣婆遭風於山下輒損舟一舟幸免唯存丁灰見其山多木故於其地造舟一十餘隻若檣柁若帆若篙靡不宜備飄然長往有病卒百餘人不能去者遂留山中今唐人與番

人叢雜而居之男女椎髻穿短衫繫巫倫布地產熊豹鹿麕皮玳瑁貿易之貨用穀米之色絹青布銅器青器之屬

特番里

國居西南角名為小食官場深遠前有石崖當關以守之後有石洞周匝以居之厥土塗泥厥田沃饒臨溪又通海口有閘春月則放水灌田耕種時雨降則閉閘或歲旱則開焉民無水旱之憂長有豐稔之慶故號為樂土氣候應節俗淳男女椎髻繫青布煮海為鹽釀茗葉為酒燒羊羔為食地產黃蠟綿羊高四尺許波羅大如斗甜瓜三四尺圍貿易之貨用麻逸布五色紬假錦緞銅器紅油布之屬

班達里

地與鬼屈波思國為隣山峙而石盤田瘠穀少氣候微熱淫雨
間作俗惟屋傍每有鬼夜啼如人身相續至五更而啼止次日
酋長必遣人乘騎鳴鑼以逐之卒不見其蹤影也厥後立廟守
宇于盤石之上以立焉否則人畜有疾國必有灾男女椎髻繫
巫崙布不事針綫紡績煮海為鹽地產甸子鴉忽石兜羅綿木
綿花青蒙石貿易之貨用諸色緞青白磁鉄器五色燒珠之屬

曼陀郎

國界西北隅與播寧接壤：瘠宜種麥酋長七尺有餘二國勢
均不事侵伐故累世結姻頗有朱陳村之俗焉蠻陌之所近聞

他國之所未見者氣候少熱男女挽髻以白布包頭皂布為服
以木犀花釀酒地產犀角木綿摘四斗花可重一斤西瓜五十
斤重有餘石榴大如斗貿易之貨用丁香荳蔻良姜華 五色
布青器斗錫酒之屬

喃啞哩

地當南啞哩之要衝大波山如動盪日月望洋之際疑若無地
民居環山各得其所男女椎髻露髻繫捐布田瘠谷少氣候暖
俗尚劫掠亞於牛車錫也產地鶴頂龜筒玳瑁降真香冠於各
番貿易之貨用金銀鉄器薔薇水紅絲布樟腦青白花碗之屬
夫以舶歷風濤回經此國幸而免於魚龍之厄而又罹虎口莫

能逃之其亦風迅之垂時使之然哉

北溜

地勢居下干嶼萬島船往西洋過僧加刺傍潮流迅急更值風逆輒漂此國候次年夏東南風船仍上溜之皆水中有石槎中牙利如鋒刃蓋已不勝舟矣地產椰子索貝子魚乾大手巾布海商每得一船貝子下鳥箋朋加刺必互易米一船有餘蓋彼番以貝子推錢用亦久遠之食法也

下里

國居小嶼喃古佛里之中又名小港口山曠而原平地方數千餘里民所莫居星羅棋布家給人足厥田中下農力耕氣候暖

風俗淳民尚氣出入必懸弓箭及牌以隨身男女削髮繫溜布地產胡椒冠於各番不可勝計樹木滿山蔓衍如藤蘿冬花而夏實民採而蒸曝以乾為度其味辛採者多不禁其味之觸人甚至以川芎煎湯解之他番之有胡椒者皆此國流波之餘也

高郎步

大佛山之下灣環中縱橫皆鹵股石其地濕臯田瘠米及翔貴氣候暖俗薄船人不幸失風或駐閣於其地者徒為酋長之利船中所有貨物多至金璧而歸之酋以為天賜也孰知船人妻子飢寒之所望哉男女撮髻繫八即那間布捐煮海為鹽釀蔗漿為酒有酋長地產紅石頭與僧加刺同貿易之貨用八丹布

斗錫酒醬薇水蘓木金銀之屬

沙里八丹

國居古里佛山之後其地沃行田少俗美氣候微暖男女繫布纏頭循海而居珠貨之馬頭也民有犯罪者以石灰畫圈于地使之立圈內不令轉足此其極刑也地產八丹布玳珠由第三港來皆物之所自產也其地採珠官抽畢皆以小舟渡此國互易富者用金銀以低價塌之舶至求售於唐人其利豈淺鮮哉

金塔

古崖之下聖井傍有塔十丈有餘塔頂曾渡以金其頂頽而石爛惟苔蘚青耳上有鶴巢寬七尺餘有朱頂雌雄二鶴長存

漢人每歲巢其上酋長子孫相傳以來千有餘年矣春則育一二雛及羽翼成飛去惟老鶴為其國人書扁曰老鶴里土瘠而民貧氣候不齊俗朴男女椎髻纏白布繫溜布民煮海為鹽女耕織為業壽多至百有餘歲地產大布手中木綿貿易之貨用鈇彝五色布之屬

東淡邈

臯捷相去有間近希苓數日程山瘠民間田沃稻登百姓充給氣候熱俗重耕牛每于二月春米為餅以飼之名為報耕種之本男女椎髻繫八丹布煮海為鹽釀椰漿為酒有酋長地產胡椒亞于閩婆玳瑁木綿大檳榔貿易之貨用銀五色布銅彝鈇

器燒珠之屬

大八丹

國居西洋之後名雀婆嶺相望數百里田平豐稔時雨露渥近年田中生叢禾丈有餘長禾莖四十有八穀粒一百三十長半寸許國人傳玩以為禾王民間禾土移至酋長之家一歲之上莖不枯槁後其國自墜色如金養之以栴榔灰使其不蛀迨今存其時國人曝之以為寶焉氣候熱俗淳男女短髮穿南溜布黃海為塩地產綿布婆羅密貿易之貨用南絲鉄條紫粉木梳白糖之屬

加里那

國近具山其地磽确田瘠穀少王國之亞波下有石穴深邃有白牛種每歲逢春產白牛仍有雌雄酋長畜之名官牛聽其自然滋育於國酋長其繁衍以之互市他國得金十兩厥後牛遂不產氣候稍熱風俗淳厚男女髡髮穿長衫糞井為塩釀椰漿為酒地產綿羊高者二百餘斤逢春則割其尾用番藥搽之次年其尾復生如故貿易之貨用青白衣碗細絹蕪木鉄條水銀之屬

土塔

居八丹之平原亦石圍遠有土磚甃塔高數丈漢字書云咸淳三年八月畢工傳聞中國之人其年敏彼為書於石以刻之至

今不磨滅焉土瘠田少氣候半熱秋冬微冷俗善好民間多事
業香聖佛以金銀器皿事之男女斷髮其身如漆繫以白布有
酋長地產綿布花布大手巾栴榔貿易之貨用糖霜五色絹青
段蘇木之屬

第三港

古號為淵今名新港口岸分南北民結屋而居田土氣候俗男
女與八舟同去此港八十餘里洋名大朗蚌珠海內為最富採
取之際酋長殺人及十數牲祭海神選日集舟人採珠每舟以
五人為率二人蕩槳二人收綆其一人用圈竹匡其袋口懸於
頸上仍用收綆繫石於腰放墜海底以手爬珠蚌入袋中遂執

綆牽制其舟中之人收綆人隨綆而上終以珠蚌傾舟中既滿
載則官場週回皆官兵守之越數日候其肉腐爛則去其殼以
羅盛腐肉漩轉洗之則肉去珠存仍巨細篩閱於十分中官抽
一半以五分與舟人均分若夫海神以取之入水者多葬於鱉
魚之腹吁得之良可憫也船人幸當其取之歲往以金與之
互易歸則樂數倍之利富可立致特逢其時耳

華羅

拉柳樹為疆理疊青石為室田土瘠磽宜種移氣候常熱秋冬
草木越增茂盛俗惟民間每創石亭數四塑以泥牛或刻石為
像朝夕諷經敬之若人佛焉仍以香花燈燭為之供養凡所生

之壇所行之地及屋壁之上悉以牛糞和泥塗之反為潔淨隣人往來苟非其類則不敢造其所男女形黑無齒長年尊者主之語言謬反加反諷反女加以檀香牛糞搽其額以白細布纏頭穿長衫與今之南毗人少異而大同

麻那里

界迷黎之東南居垣角之絕島石有楠樹萬枝周圍皆水有螺如山立人少主土薄田瘠氣候不齊俗侈男女辨髮以帶捎臂用金鈿穿五色絹短衫以朋加刺布為獨幅裙繫之地產駱駝高九尺土人以之負重有仙鶴高六尺許以石為食聞人拍掌則聳翼而舞其容儀可觀亦異物也

加將門里

去加里二千餘里喬木成林修竹高節其地堰瀦甲肥美一歲三收穀通商販於他國氣候常熱俗薄男女挽髻穿長衫叢雜回人居之土商每興販黑因往朋加刺互銀錢之多寡隨其大小高下而議價民煮海為鹽釀漿為酒有酋長地產象牙塊羅綿花布貿易之貨用蘇杭五色緞南北絲土細絹巫崙布之屬

波斯離

境與西夏聯屬地方五千餘里閔市之間民比居如魚鱗田宜麥禾氣候常冷風俗侈麗男女長身編髮穿駝褐毛衫以軟錦為首褥燒羊為食煮海為鹽有酋長地產琥珀軟錦駝毛脰脯

臍沒藥萬年棗貿易之貨用毳毼五色緞雲南葉金白銀倭鉄
大風子牙梳鉄器達刺斯離香之屬

捷吉那

國居遠里之地即古之西域山少而瘠氣候半熱天常陰晦俗
與羗同男女身面如漆眼圓白髮鬚髻籠軟錦為衣女資紡織
為生男抹鴉鵲石為活煮海為鹽釀安石榴為酒有酋長地產
安息香琉璃瓶鵬沙梔子花尤勝於他國貿易之貨用沙金花
銀五色緞鉄器銅線琉水銀之屬

千里馬

北與大奮山截界溪水護市四時澄徹形勢寬容田瘠穀少氣

候乍熱俗淳男女斷髮身繫絲布煮海為鹽釀柱屑為酒有酋
長地產翠羽百合蘿蘋貿易之貨用鉄條篋碗蘓木鉛針之屬

大佛山

大佛山界子迂里高即步之間至順庚午冬十月有二日因却
帆於山下是夜月明如畫海波不興水清澈底起而徘徊俯窺
水國有樹婆婆姿余指舟人而問此非清琅玕珊瑚珠者耶曰非
也此非月中娑羅樹影者耶曰亦非也命童子入女水採之則
柔滑拔之出水則堅如鉄把而翫之高僅盈尺則其樹槎牙盤
結竒怪枝有一花一葉紅色天然既開者彷彿牡丹半吐者類
乎齒落舟人秉燭環堵而觀之眾乃雀躍而笑曰此瓊樹開花

也誠海中之稀有亦中國之異聞余歷此四十餘年未嘗觀於此君今得之茲非千載而一過者乎余次日作古體詩百首以記其實袖之以歸豫章邵庵虞先生見而賦詩追今留於君子堂以傳玩焉

須文那

國中班牙尼那接境山如瓜瓠民樂奠居田瘠穀少氣候應節俗鄙薄男女蓬頭繫絲首長之家有石鶴高七尺餘身白而頂紅彷彿生像民間事之為神鶴四五月間聽其夜鳴則是歲豐稔凡有疾則卜之如響斯應民不善煮海為鹽地產絲布胡椒亞於希苓淡遯孩兒茶名烏爹土又名骨實失之其實栴柳

汗也貿易之貨用五色細緞青緞荳蔻大小水錘蘇木之屬

萬里石塘

石塘之骨由潮州而生迤邐如長蛇橫亘海中越海諸國俗云萬里石塘以余推之豈止萬里而已哉船由玳瑁門掛四帆乘風破浪海上若飛至西洋或百日之外以一日一夜行里計之萬里曾不足故原其地脉歷可考一脉至瓜哇一脉至勃泥及古里地悶一脉至西洋遐崑之地蓋紫陽朱子謂海外之地與中原地脉相連者其以是故觀夫海洋泛無涖涯中匿石塘孰得而明之避之則吉遇之則凶故子午針人之命脉所係苟非舟子之精明能不覆且溺矣吁得意之地勿再往豈可以風

濤為徑路也哉

小唎喃

地與都攔礁相近厥土黑墳本宜穀麥民居懶事耕作歲籍烏
爹運米供給或風迅到遲馬船已去貨載不滿風迅或逆不得
遇喃吐哩洋且防高浪阜中鹵股石之厄所以此地駐冬候夏
年八九月馬船復來移船回古里佛互市風俗男女衣着與古
里佛同有村主無酋長地產胡椒椰子檳榔溜魚貿易之貨用
金錢青白花器八丹布五色緞鉄器之屬

古里佛

當巨海之要衝去僧加刺蜜耳亦西洋諸馬頭也山橫而田瘠

宜種麥每歲籍烏爹水至行者讓路道不拾遺俗稍近古其法
至垣盜一牛酋以牛頭為準失主仍以犯人家產籍沒而戮之
官場居深中海濱為市以通貿易地產胡椒亞於下里人間
居有倉廩貯之每播荷三百七十五斤稅收十分之下二次加
張葉皮柴布蕃薇水波羅蜜孩兒茶具珊瑚珠乳香諸等貨
皆由甘理佛朗來也去貨與小唎喃國同蓄好馬自西極來故
以船載至此國每足互易動金錢千百或至四千為率否則番
人議其國空乏也

朋加刺

五嶺崔嵬樹林拔萃民環而居之歲以耕殖為業故野每曠土

山疇極美一歲凡三收穀百物皆廉即古忻都州府也氣候常
熱風俗最為淳厚男女以細布纏頭穿長衫官稅以十分中取
其二焉國鑄銀錢名唐加每歲錢八分重流通使用互易貳子
一萬五百二十有餘以權小錢便民良有益也產苳布高你布
兜羅錦翠羽貿易之貨用南北絲五色絹緞丁香苳冠青白花
毘白纓之屬茲番所以民安物泰皆白平農力有以致之是故
原防管茅之也地民懇闢種植不倦 廉勞冉之役因天之時
而分地利國富俗厚可以軟舊港而邁閣婆也

巴南巴西

國居大響山之南環居數十里土瘠且種苳氣候乍涼俗尚澆

薄男女體小而形黑眼圓耳長手垂過膝身披絲絨單被凡民
間女子其形窳^加窳^加自七歲父母以歌舞教之身摺疊
而圓轉變態 出粗有可觀倘適他國呈其藝術則予以小錢
為賞地產細綿布舶人以錫易之

放拜

居巴隘亂石之間渡槁出入週圍無田平曠皆陸地宜種麥氣
候常暖風俗質朴男女面長目反白容黑如漆編髮為繩穿斜
紋木綿長衫煮海為鹽煨鴉卵石為炭以代炊有酋長地產絕
細布匹濶七尺長有餘大栴榔為諸番之冠貨用金貳子紅白
燒珠之屬

大烏爹

國近巴南之地界西洋之中峯山多鹵股田雜沙土有黑歲宜
 種豈氣候常熱俗尚淳男女身修長女生髭穿細布繫紅絹捐
 女善戰使標鎗批竹天毒於蛇使國人極畏之仍以金錢魚兼
 貶子使用煮海為鹽以逡巡法釀酒有酋長地產布匹猫兒眼
 精鴉鵲石翠羽貿易之貨白銅鼓板五色緞金銀鉄器之屬國
 以貶子金錢流通使用所以便民也成周以世用錢幣漢武造
 史幣鑄白銀無非子母相權而已如西洋諸番國鑄為大小金
 錢使用與中國銅錢異雖無其幣以兼之得非法古之道者哉

萬年港

凌門正灣為之引從彷彿相望中有長濶二十餘丈其深無底
 魚龍之淵數也旁有山如氏環而居田寬地窄宜谷麥氣候常
 熱俗朴男女椎髻繫青布捐煮海為鹽釀蔗漿為酒有酋長地
 產降真條木綿黃蠟貿易之貨用鉄條銅線土印花布瓦瓶之
 屬

馬八兒嶼

控西北之隅居加將門之右瀕山而居土鹹田沃饒歲倍收氣
 候熱俗淫男女散髮以椰葉蔽羞不事緝織鑿井煮海為鹽釀
 椰漿為酒無酋長地產羽細布大羊百有餘斤穀米價廉貿易
 之貨用砂金青段白礬紅綠燒珠之屬次曰拔忽曰里達那曰

骨里傍曰安其曰伽忽皆屬此國之節制焉

阿思里

極西南達國里之地無山林之限風起則飛沙撲面人不敢行
居人編竹以蔽之氣候熱半年之間多不見雨掘井而飲深至
二三百丈味甘而美其地防原宜種麥或潮至水原下則其地
上潤麥苗自秀俗惡男女編髮以牛羊為繩接髮梢至齊膝為
奇以鳥羽為衣搗麥之餅為食民不善煮海為鹽地產大綿布
小布匹貿易之貨用銀鉄器青燒燭珠之屬

哩加塔

國居遼西之界乃國王海之濱田瘠宜種黍民疊板石為居掘

地丈有餘深以藏種子雖三載亦不朽也氣候秋熱而夏涼俗
尚朴男女瘦長其形古怪髮長二寸而不見長穿布桶衣繫皂
布指煮海為鹽釀黍為酒以牛乳為食地產青琅玕珊瑚樹其
樹或長一丈有餘或七八尺許一尺有餘秋冬民間皆用舡採
取以橫木繫破網及紗線於其上仍以索縛木兩頭大於船上
牽以拖之則其樹槎牙掛挽而上貿易之貨用金銀五色緞坐
褥布之屬

天堂

地多曠漠即古均冲之地又名為西城風景融和四時之春也
田沃稻饒居民樂業云南有路可通一年之上可至其地西洋

亦有路通名為天堂有田、歷與中國授時歷前後至爭三日其
選日永無差異氣候暖風俗好善男女辮髮穿細布、衫繫細
布指地產西馬高八尺許人多以馬乳拌飯為食則人肥美貿
易之貨用銀五色緞青白花器鉄鼎之屬

天竺

居大食之東隸秦王之主去海二百餘里地平沃氣候不齊俗
尚古風男女身長七尺小目長項手帕繫額編髮垂耳穿百曰
衣以藤皮織鞋以綿紗結襪仍將穿之示其執禮也不善煮鹽
海為鹽食仰他國民間以金錢流通使用有酋長地產金沙駿
馬貿易之貨用銀青白花器斗錫酒色印布之屬

層搖羅

國居大食之西南崖無林地多溥田瘠穀少故多種薯以代糧
食每每販於其地者若有穀米與之交易其利甚博氣候不齊
俗古直男女挽髮穿無縫短裙民事網罟取禽獸為食煮海為
鹽釀蔗漿為酒有酋長地產紅檀紫蔗象齒龍涎生金鴨嘴膽
礬貿易之貨用牙箱花銀五色段之屬

馬魯潤

國與遐邇沙喃之後山接壤民樂業而富遮迴廣一萬八千餘
里西洋國悉臣屬焉有酋長元臨漳人陳其姓也幼能讀書長
練兵事國初領兵鎮甘州遂入此國討境不復返茲地產馬故

多馬軍動侵番國以兵九若干萬歲以正月三日則建高壇以受兵禱所至之地即成聚落一祈民間互易而卒無擾攘之患盖以形刑法之重如此觀其威逼諸番嚴行賞罰亦首豪中之表者乎

甘埋里

國居西南馮之地與佛郎相近乘風張帆二月可至小噴喃其地造舟為馬船大于商船不使釘灰用柳索板成片每船二三層用板棧滲漏不勝稍人日夜輪岸水不竭下以乳香壓重上載馬數百匹頭小尾輕鹿身吊肚四蹄削鉄高七尺許日夜可行千里所有木香琥珀之數地產自佛郎國來商販於西洋互

易去貨丁香荳蔻青段麝香紅色燒珠蘇杭色緞蘇木青白花器甕瓶鉄條以胡椒載而返椒之所以貴者皆因此船運去尤多較商船之取十不及其一焉

麻呵斯離

去大食國八千餘里與鯨板奴國相近田海通溪約二百餘里石道崎嶇至官場三百餘里地平如席氣候應節風俗鄙儉男女編髮眼如銅鈴穿長衫黃海為鹽釀差葉為酒有酋長地產青藍馬乳葡萄米麥其麥粒長半寸許甘露每歲八九月下民間築淨池以成之旭日曝則融結如水味甚糖霜仍以甕器貯之調湯而飲以辟瘴癘古云甘露王如來即其地也貿易之貨

用刺速斯離布紫金白銅青琅玕闍婆布之屬

羅婆斯

國與麻加那之右山聯屬奇峯磊々如天馬奔馳形勢臨海男女異形不織不衣以鳥羽掩身食無烟火惟有茹毛飲血巢居穴處而已雖然飲食宮室節宣之不可闕也絲麻絺紵寒暑來之來不可違也夫以洛南北之地懸隔千里尚有寒暑之殊而况而於窮海諸國者哉其地鐘湯之全故民無衣服之備陶然自適以宇宙輪輿宜乎茹飯擇不擇巢穴不易相與浮乎太古之天矣

鳥參

國因伽里之舊名也山林益少其地堰瀦而半曠民專農業田沃稼茂既無絕糧莠之灾又無蝗蝻之灾歲凡三稔諸佛皆庶道不捨遺鄉里和睦士尤尚義俗厚民泰各番之所不及也氣候男女與朋加刺畧同稅收十分之一也地產大 黑國翠羽黃蠟木綿細匹布貿易之貨用金銀五色緞白絲丁香荳蔻茅香青白花噐鼓瑟之屬每个銀錢重二錢八分准中統鈔一十兩易貳子計一萬一千五百二十餘折錢使用以二百五十貳子羅一尖羅熟米折官斗有一斗六升每錢收貳子可得四十六羅米通計七十三斗二升可供二人一歲之食有餘故販其地者十去九不還也夫以外夷而得知務農重穀使國無遊民

故家給人足歲無飢寒之憂設之興行禮讓教以詩書禮樂則與中國之風無間然矣熟謂蠻貊之邦而不可行者乎

異聞類聚

古有奇肱國之民能為飛車從風遠行見于博物誌矣次曰項遜國凡人死送於廓外鳥食肉盡乃去以火燒其骨即沉於海中謂之鳥葬見于窮神秘苑矣次曰國畫長夜短薄暮煮一羊脾方熟東風以曙見於神異錄矣次曰大食國山樹花開如人手不解語人借問惟頻笑二則彫落見於酉陽雜俎矣次曰婆登國種穀每月一熟見於神異之記次曰緞濮國人有尾欲坐則先穴地以安之誤折其尾則死見於廣州之記次曰南方之

產翁獠婦魁子是擁衾抱雛以讓衛之見於南楚之新聞次番禺縣民災蔬園盜之於百里之外若浮筏乘流於海上有縣宰為之判杖見於玉堂之閑話他如女人國視井而生育茶粥沙國入其地聲震雷霆至於南方縛婦成姻多非禮聘領南之好女不事緝織南海之貧妻名為腹指賣南中之師郎擁婦而食肉此又人物風俗之不同錄之以備采覽故曰異聞類聚

島夷誌後序

皇元混一聲教無遠弗届區宇之廣曠古所未聞海外島夷無慮數千國莫不執玉貢琛以修民職梯山航海以通互市中國之徃復商販於殊庭異域之中者如東西州馬大淵少年嘗附

舶以浮于海所過之域竊嘗賦詩以記其山川土俗風景物產之詭異與夫可怪可愕可鄙可笑之事皆身所遊覽耳目所親見傳說之事則不載焉至正己丑冬大淵過泉南遣監群僕候命三山吳監明之序清源郡誌願以清源舶司所在諸番輻輳之所宜記錄不鄙謂余知方外事屬島夷誌附於郡誌之後非徒以廣士大夫之異聞以表國朝威德如是之大且遠也

皇明嘉靖戊申五月望汝南郡考
島夷惟日本重文事其髹漆金器
刀紙屏障最精此誌不載故及之
予於正德初年因本國使臣朝貢
留寓姑蘇其使正了庵年已八十八
詩禮賡酬尚在陶齋表表識

島夷誌畧終

鈔校書籍



